

醫學秘奧
四

蒼朮

米泔浸三日七
分瓦上炒紫色

黃柏

二日三日
汁炒乾



白水煎服之或為末作丸亦可

目疾 羊膽一枚割開入蜂蜜一錢線扎緊兩手揉

勻水煮一滾即取出冷水浸半日后用点眼疾胆

百草之精蜂蜜百花之
蘊此為二百樣草頭方

耳聾

甘草一塊削豆大紅綿包甘遂一塊豆大白綿包

日夜輪換塞耳

又方

吸鐵石 一分五厘 射香 二分
研末化黃蠟為丸豆

如指頭大綿包塞耳口內噙生鐵一塊牙咬緊此
方通神

心疼 胡椒七粒菜豆九粒研破燒酒下不止再服
卽止

冷肚痛 陳皮青皮官桂各一錢水一鍾半煎溫服

牙疼 巴豆花椒爲末同飯爲丸如米大入痛處

又方 土硃樟冰各等分爲末綿包扎緊咬痛處吐

涎

風牙 蜂房一個 川椒二十 小麥一撮 暗醋半碗煎

滾乘熱噉之

婦人白帶 魚膠慢火炒爲末好酒送下

口臭 白芷 七分 甘草 一分 爲末鹽水調飲再擦嗽

妙

魚口瘡 羝羊角燒灰末之每服一錢酒下左用左

右用右

絕產 紅花 肉桂 各一分 射香 五分 煉蜜丸豆大

每服二十九牛膝煎湯送下永無產矣

乏乳 穿山甲瓦上焙乾爲末酒下

婦人血崩

烏鷄一口紫草一錢入肚內縫合白酒煮熟去草

將鷄肉并酒三五次熱服如神 貫仲炒末酒下

亦妙

老幼久嗽

杏仁三兩去皮尖胡桃肉四兩去皮研爛蜜丸彈
子大姜湯嚼下一丸

男子患白淋者

滑石 二斤 粉草 五斤 共燒爲末先吃好酒一鍾后

每服二錢冷茶送下白午前服紅午后服

頭疼 川芎石膏各一錢水煎臨睡服

腰疼 杜仲鹽炒去絲爲末腰子割破將末裝內扎

定飯上蒸熟食之

老人遺尿

薔薇根煎湯常服

又夜起多小便以

糯粉作糕炙黃食之

又方晚間少飲茶湯

火丹

煤查與青菜同搗如泥塗上

葱搗如泥塗

上

腳根裂破

白芨赤石脂末塞之五日不犯水

小兒遺尿

用紅紙剪馬四疋令小兒自安身下每

夜如之

諸骨哽

解開衣帶低頭視下部數次其骨不下行

則上出矣

一切虫入耳如在左耳以手緊閉右耳努氣至左耳
其虫自出

兩眼腫如桃大 用猪鬃四根各掃攢竹精明四六
擦之待睡一覺醒去之妙

一人頭風六月畏寒重裹綿絮三十年不愈予以蕎
麥粉二升水調打餅二片更換合頭上微汗出卽
愈

一人風痛數年余以七葉黃荆取根皮加接骨草五
加皮酒煎服

去牙法 用草烏末略搽卽去用好鹽湯洗之

一人食肉生中毒掘地深三尺取下土三升以水五升煮數沸取青汁服一升而愈

食牛肉中毒 煮甘草濃汁飲即解

食鳥獸肉毒者大豆汁或鹽汁服之

諸果中毒 猪骨燒灰冷水下一匙

食蟹毒 紫蘇煎湯服之

食花椒氣閉 新汲井水解之

水銀入人耳皆死以金銀着耳邊水銀即吐出

一婦人患心痛數年用茶末一分信半分白湯調下吐瘀血一塊而愈

冷氣吐白沫良姜末三分燒酒調下

嘈雜吐清水上好廣皮去白爲末五更起坐床上安末五分於手心男左女右乾舐下而卧服三朝必効服此不好病難療也

翻胃 水澄螺螯泥晒乾爲末大酒下一錢

一人大病后身面俱黃四肢無力吐血成盆諸藥不効螺螯十一枚水漂去泥連殼搗爛夜露五更取澄清水服四次黃去血止而愈

九種心痛惡心吐水積聚氣滯是有虫也

乾漆四兩慢火燒煙盡醋糊爲丸藁豆大食後酒

醋熱下三十五丸不愈再加

腰痛曲而難伸 山查末三錢茶酒鹽湯隨下

赤鼻

枯凡

三夕

硫黃

三夕

臨時取三分于手心中唾調

以指塗鼻孔內睡醒再塗三日則變色七日全愈

乾嘔噦并手足厥者

陳皮

四兩

生姜

半斤

水煎服

胃反嘔吐者半夏二升不切人參三兩白蜜一升水

一斗二升和蜜搗之二百四十遍煎至四升溫服

一升餘再服

噦逆

橘皮竹茹湯又治噫氣五七日不止者

橘皮 二升 竹茹 二升 大棗 三十 生姜 半斤 甘草 五

人參 一升 水煎三四服

腰曲不伸重如帶石

赤茯苓 各四 白朮 各四 灸草 三升 乾姜 炮二 每五錢

水煎

一人心痛徹背、痛徹心

赤石脂 胡椒 乾姜 各一 附子 五升

烏頭 炮二升 煉蜜丸每服一九酒下三服自愈

一女人憫吞針入腹用蠶豆煮熟同葦菜食之針從

大便出

一人悞吞銅錢胡桃肉食之自化葶薺亦可

一人開藥舖忽頭腫如斗大如錐刺諸藥不効用煎

甘草湯熏之另煎甘草膏飲之即愈 乃藥毒也

一人中惡卒死灸臍中百壯以皂角末吹鼻或韭汁

灌耳

一婦人膝冷至足湯火不能溫以附子治之不効用

四物湯加黃耆知母四劑而愈

一婦人初足下強硬數月餘膝亦硬一年則手足骨

節俱不能動卧床如癱又非風症知爲虛也以人

參當歸附子煎膏盡二個可愈

小兒尿不禁 蜜一杯車前草汁和熬夜露清晨服之

婦人新久腹痛

玄胡蒼朮煨榔良姜各一錢茯苓肉桂丁皮乾姜各五分三稜蓬朮甘草青皮砂仁各八分連鬚葱白三根水煎服効如神

催生 魚膠八寸瓦上焙乾燒灰酒送下

產後兒枕痛 山查一兩搗碎水二鍾煎八分入砂

糖二匙痛立止

小便血 用病人頭髮燒灰酒下

水瀉腹中響如雷者軟石膏火煨老米飯爲丸如桐

子大飛過黃丹爲衣每服二十九米湯下即効

噤口痢 蜂蜜砂糖并姜汁湯下 瀉用老米飲下

肚痛炒米湯下

九竅出血 清晨頭一吊水喫面即止

牙冷痛 蒜半瓣巴荳肉一粒綿裹塞耳內

肚痛丸

雄黃 二夕 巴荳仁 二夕不 去油 九如芥子大每三粒白

湯下行利三四次痛即止

小便出大便 五苓散加分利水谷之劑

過忍小便致轉胞 滑石末葱酒調下二錢

寸白虫 以黑龜一枚陳藏糟包裹火煨存性爲末
糊爲丸空心酒下三十九

治五絕死

自縊死溺水死打撲跌槓木石壓死產後血迷暈
死中惡鬼擊死夜魘死凡心頭溫者皆可救治用
半夏湯泡七次爲末丸如豆大吹入鼻中噴嚏卽
活或用皂莢爲末吹入鼻中亦妙

又方

急於人中穴及兩腳尖母指甲離甲一韭葉許各

灸三五壯卽活膈中灸百壯亦効

救自縊

凡自縊高懸者徐、抱住解繩不得截斷上下安被卧之以一人用脚踏其兩肩手挽其髮常令弦急勿使緩縱一人以手按據胸上教磨動之一人摩將臂脛屈伸之若已強直但漸屈之并按其腹如此一頃雖得氣逆口出呼吸眼開仍引按不住須臾以少桂湯及粥清灌令喉潤漸、能嚥乃止更令兩人以芦管吹其兩耳無不活者自旦至暮雖冷亦可救自暮至旦陰氣盛爲難救耳

又法

以一人兩手掩其口鼻勿令透氣一人用手摩其頸痕兩時氣急則活

救溺水死

一宿者尚活用皂莢爲末綿裹塞糞門須臾出水卽活

又方 救起放大椀卧着脚後椀站起磚二塊却用鹽擦臍中待水自流出切不可倒提出水但心下溫者皆可救

又方 急解衣帶艾灸臍中仍令兩人以蘆管吹其

耳中卽活

救木石壓死并跌搯傷從高墜下
跌死氣絕不能言者急拍開口
以熱小便灌之童便尤良

又方 撲打墜損惡血攻心悶亂
疼痛用乾荷葉五片燒令烟盡
空腹以童便溫一鍾調下三錢
日三服

又方 被打惡血攻心用小便
一碗溫服

救中惡鬼擊客忤一切卒死
用菖蒲根生搗絞汁

灌鼻中或口中卽活

又方 治鬼擊病卒着人如刀刺
胸腹內痛不可按

熟艾水煎服若卒心痛爲客氣所中者當吐出虫
物

救夏月途中熱死者不可用冷水灌沃及以冷物逼
外得冷卽死宜移置陰處急取路上熱土於死人
臍作窩多令人尿溺於臍中又取路上熱土并大
蒜同研爛水調去渣灌下

中河豚毒 急以桐油多灌之吐出卽愈再服濃甘
草湯

食六畜肉中毒 以壁上黃土水調服二錢卽解
中巴豆毒 以黃連大豆菖蒲汁並解之

誤食桐油令嘔吐飲熱酒乃解

救虎傷 用生姜汁服兼洗傷處白礬末傅瘡上

救毒蛇傷并諸色惡虫毒氣入腹者用蒼耳草嫩葉

搗汁灌之將渣厚敷傷處犬咬煮汁服之

又方 用艾於傷處灸三五壯拔去毒即愈

治蛇咬毒入腹者取兩刀於水中相磨飲其汁

治絞腸沙 用好明凡末滾水調服

又方 治絞腸沙痛不可忍炒鹽一兩熱湯調服危

迫者灌入口中或吐或利腸痛即止

治痰喘 用胡桃肉三個生姜三片臨睡細嚼飲湯

下就枕又再嚼如前同下

治咳嗽久患連嗽四五十聲者用生姜汁半合蜜一匙煎熱溫服三服立効

嘔噎 用蘆根五兩切碎水三鍾煎一鍾服

治吐血并鼻中出血用藕節搗汁飲之

又方 用好綿燒灰麵糊爲丸酒下

治鼻中出血 用亂髮燒灰并水調下更吹鼻中

治消渴 用田螺五升水一斗浸經宿渴卽飲水每

日換水浸

白黃疸黑疸酒疸食疸 用豬脂八兩亂頭髮如鷄

子大二塊同煎臨服絞去髮分二服病從小便出
治小便不通 用蚯蚓搗碎以冷水瀝濃汁服半碗

立通

又方 用鹽填滿臍中艾灸鹽上

又方 用炒鹽半斤布裹乘熱熨小腹

又方 用猪膽投熱酒中服立通

治大便不通 用猪脂二兩水一碗煮三沸飲汁立

通

治痢瀉初起 卽以細茶生姜各三錢水二鍾煎至

八分服之重者各五錢煎服卽止不愈再服

治赤白痢 用薺菜根葉燒灰湯調下極妙

治諸痢 以艾葉陳皮煎服

治眼目赤腫翳痛 用鯉魚膽點之亦治雀盲

治赤眼 用甘草水磨明凡付眼胞上痛即止

又方 以自己小便洗眼効

治蒼蠅入耳 用皂角子研爛用生蠶血灌耳中

治蟻子入耳 用豬精肉一指火灸令香置耳孔邊

卽出

治蜈蚣入耳 用生姜汁或韭汁灌耳自出或以熟

鷄肉一塊置耳孔邊自出

治牙疼 現前

治哮喘 用鷄子二枚畧敲損膜不可全損浸尿缸內

三四日煮喫卽効

治水蠱 用商陸根赤者杵汁貼臍心絹帛縛定日

易効

治無故尿血 用亂髮和爪甲等分燒灰酒服方寸

匕汗血止用髮灰一字吹鼻中食中誤吞髮繞喉

不出取已頭亂髮燒灰水調服一錢匕前後不通

燒末三指撮投半升水中三服前後利血灰研飲

方寸匕男女通用

治蜘蛛咬遍身成瘡 用青葱葉一莖去小尖頭孔

內將一蚯蚓推入緊縛兩頭勿通氣但搖動卽化
水點咬處卽効或用乾蔓菁根爲末油搽復取煮

湯飲

治腹滿不能服藥 用獨顆蒜煨令熟去皮綿裹內

下部中冷卽易蛇虺咬人和酸草搏絞傅咬處鼻

血不止用一枚去皮細搗攤一餅如錢大厚一豆

許左鼻貼右腳心右鼻貼左腳心兩鼻兩腳心立

瘥止則急以溫水洗之或取便用鹽嚼沃上煎湯

洗妙

治喘化痰 用猪蹄甲四十九箇淨洗控乾每個納
半夏白礬各一字入罐子內封閉勿令烟出煨通
紅去火細研入麝香一錢患上喘咳嗽用糯米飲
下小兒半錢至妙

治反胃 用驢便日服二合妙驢駒衣燒灰酒服能
斷酒心痛絞結連腰臍取驢乳三升熱服驢耳垢
治蝎螫付上或用黃丹醋調塗或半夏末水調塗
或用楮樹白汁塗之皆取便立効

治勞病 用玄參一觔和甘松六兩同爲末煉蜜一
觔和勻入瓷瓶內封閉地中埋十日取更用炭末

六兩煉蜜六兩和勻入瓶內封更埋五日取出燒
令病人鼻常聞香疾自愈矣

麥斗金接骨其効如神 用古老錢廿箇背上有字

者佳好硃砂一錢自然銅五分乳香三分沒藥三
分先將古老錢燒紅搗碎爲極細末以後藥碾羅
爲細末和勻用甜瓜子炒去殼搗細酒送下一麥
斗又用酒送下一麥斗良久不見響聲再服甜瓜
子一麥斗酒下催之不可多服

一麥斗卽今
之一茶匙也

接骨 用大蝦蟇生搗似泥縛定其骨自然瘥

拆傷骨損 用阡、活老鴉眼睛藤濃煎湯洗之骨

自上

人被鎗刀斫傷 用匾栢搗爛加白蜜和勻傅患處
縛緊乾自愈矣

又方 用何首烏搗爛加糟少許縛定骨折處
蛇咬 用人耳中糞搽咬傷處流血即無事
又咬極痛 用烏龜板灰摻之即止

風犬咬 用馬蘭頭草搗汁酒調一碗服之脚跟上
出血立愈

犬咬 去毒血以米泔洗淨紙上炒黃丹赤色貼上
立妙

又乾砂糖搽上尤妙

酒查鼻 四年內外藏糟茄露調硫黃末搽四日後

盡白

又方 用連翹穰細茶各半不拘時和嚼食半月卽
白

治疝氣 用鬼饅頭黃泥固濟煨過爲末空心酒下

治疝氣上衝如有物攢之心腕手足冷欲死者用陳

皮荔枝核炒黃硫黃各等分溶化投水去毒各爲

末飯丸桐子大每服十五丸不拘時溫酒下其疼

立止

治疝氣偏墜不拘遠年近日 用木香三錢破故紙

一兩大茴香小茴香各五錢青鹽一錢五分川練
子二兩爲末每服一錢溫酒調下

小腸氣攻上者用烏藥良姜白牽牛青皮末之酒下
二錢

神方 硫黃火中溶化卽投水中去毒荔枝核炒焦
黃陳皮等分爲末飯丸每服十五丸其痛立止疼
甚畧用六丸不可多也

回春丸 用茯苓一兩白朮一兩炒山查炒枳實炒
八角茴香一兩吳茱萸一兩炒荔枝核一兩橘核

一兩蜜九姜湯下

解諸般毒 食信用雄鷄血暹熱飲之立愈

諸骨哽 用燒紅鋸齒放酒內飲之即愈

鷄骨哽 用舊靴皮化灰食之即愈

又方 用玉簪花根搗汁入喉不可着牙齒甚妙

鷄魚骨哽 用苧麻根搗汁灌下即化

又方 用栗子肉嫩皮燒灰酒下

火盪 用乳香定痛散乳香半錢輕粉一錢米粉菜

豆粉官桂各半兩黃丹粉霜各一錢爲末以牛皮

膠化開稀稠入藥攪勻唇上試不熱可用取鵝毛

搽患處安藥不定端午日取蝦蟆燒灰存性爲末
瘡濕乾摻

刀傷 用未出毛老鼠同陳石灰棟樹根上白皮車
前子同搗爛作餅陰乾爲末摻之極効

耳脹痛 不可忍用江魚齒火煨爲末水調滴入耳
中

又方 用虎耳草搗碎取汁滴入耳內

耳孔出膿 用枯凡石子射香輕粉各等分爲末卽

愈

男子婦人身上出虫 用樅樹根煎湯洗之卽効

酒醉氣絕 用小遺桶傾去尿將水徐，蕩去浮垢
畢急將滾湯澆在尿垢上少頃取其清汁緩，灌
入口中咽下鼻中有氣息斯得生矣

世傳秘方

一人遍身忽然肉出如錐痒痛不能飲食名血擁用赤皮葱燒灰水淋汁洗內服淡荳豉湯

一人眼前常見禽虫飛去捉之即無此肝膽經為疾用酸棗仁羌活玄明粉青箱子各一兩為末每用水煎二錢和滓日三服

一人眼珠垂下至鼻大便出血名肝脹用羌活水煎

數服卽愈

一人腹中有物作聲隨人語言名應聲虫服雷丸而愈

一人飲油五升方快意此乃髮入胃血裹化爲虫也
用雄黃五錢水調服

一人卧於床四肢不能動只進得食好大言說喫物
謂之失說物望病如說某肉卽以其與看不與食
之失他物望也睡中流出饞唾卽愈

一人遍身皮底渾如波浪聲痒不可忍抓之血出不
能止名氣奔用人參苦杖青鹽細辛各一兩水煎

服

一人眼內白眚俱黑見物依舊毛髮直如鐵條不語
如醉名血瀆用五靈脂末二錢酒調下

一人忽然氣上喘不能語口中涎流吐逆牙齒搖動
氣出轉大卽悶絕名曰傷寒併熱霍亂用大黃人
參各五錢水煎服

一人手足甲忽然長倒生肉刺如錐食葵菜

一人脅破腸出臭穢急以香油抹腸送入卽不出又
以人參枸杞子煎湯淋之皮自合喫猪腎粥十日

愈

一人口鼻中氣出盤旋不散疑似黑蓋過十日漸
至肩與肉相連堅勝鉄石無由飲食多因瘡後得
之用澤蘭水煎日飲三盞五日愈

一人頭面發熱有光色他人手近如火灸用蒜汁半
兩酒調下吐物如蛇遂安

一人渾身生泡如甘棠梨破則出水內有石一片如
指甲大其泡復生抽盡肌肉不可治矣急用三稜
莖木各五兩爲末分三服酒調下

一人夜有醉者誤吞水蛭腹痛黃瘦不進飲食用小
死魚三四箇猪脂煎溶攪勻入芭豆十粒研爛和

田中乾泥丸如菘荳大以田中冷水吞下一丸泄
下爲度

一人小便出屎大便出尿名交腸用舊幘頭燒灰酒
下五分

一人玉莖硬不痿精流無歇時如針刺捏之則脆乃
爲腎滿漏疾用韭子破故紙各一兩爲末每三錢

水煎

一人身及頭面肉腫如蛇狀用兩濕磚上青苔一錢
水調塗

一人大腸內虫出不斷，之復生行坐不得鶴虱末

水調服五錢

一小兒初生如魚胞又如水晶碎則水流用蜜陀僧末摻之

一小兒初生遍身無皮俱是赤肉掘土坑卧一宿卽生皮又方用白早米粉乾撲上候生皮乃止

一人寒熱不止四肢如石擊之如鍾磬聲日漸消瘦用茱萸木香等分水煎服

一大腸頭出寸餘候乾自退落又出名截腸病用葶麻油器盛坐之飲大麻子汁數升

一人鼻腥臭水流以碗盛而視之有鐵色蝦魚如米

大走躍捉之卽化爲水此肉壞矣一日食鷄肉二次一月而愈

一人四肢節脫但有皮連不能舉動名曰筋解用黃蘆酒浸一宿焙爲末酒下二錢多服方安

一人腹中如鐵石臍中水出旋變作虫行之狀遶身匝豕痒痛難忍扒掃不盡濃煎蒼朮湯浴之以蒼朮加麝香水調服

一人眉毛搖動目不能視喚之不應但能飲食用蒜三兩取汁酒調下

一人毛竅節次血出少間不出卽皮脹如鼓口鼻眼

目俱脹合名曰脉溢用生姜汁并水各一二盞服
安

一人患蛇瘕乃蛇精及液沾菜上人悞食之腹內成
蛇或食蛇亦有此症其人常飢食之卽吐用赤頭
蜈蚣一條炙末分二服酒下

一人患蛟龍瘕用寒水石飯三升每食五合日三服
吐出而愈

驚瘕痛有來止或食鯿卽痛用鷄屎一升炒黃投酒
中浸一宿焙爲末仍用元浸酒調下

鷄瘕有病冷痰者醫曰因食白淪鷄過多故也用蒜

一枚煮服乃吐一物如升大痰褻開視之乃鷄雛也再服吐十三雛而愈

一人屍厥奄然死去腹中氣走如雷用硫黃一兩焰硝五錢細研分三服好酒煎覺烟起則止溫灌之片時再服而安

一諸瘡如蛇出數寸用硫黃末塗卽消

一人眼中視物倒植用梨蘆瓜蒂爲粗末水煎服得吐而愈

一婦產後有胞傷破不能小便常漏濕不乾用生絲絹一尺剪碎白牡丹根皮白芨各一錢水二碗煎

至絹爛如錫空心頓服不得作聲作聲卽不効

一婦產後水道中出肉線一條長三四尺動之則痛欲絕先服失笑散數服次以帶皮姜三斤研爛入清油二斤煎油乾爲度用軟絹撻起肉線屈曲於水道邊以前姜熏之冷則慰之一日夜縮其大半二日卽盡入再服失笑散芎歸湯調理之如肉線斷不可治矣

一婦產後兩乳忽然細小下垂過小腹痛甚名乳懸用芎歸各一斤內用半斤水煎服餘用燒煙熏鼻口三料乃効

一婦見滿壁皆蓮花此痰症也服蒙石滾痰丸

一人患心疾見物如獅子伊川教以手直前捕之見其無物久、自愈繼服牛黃清心丸

一人患腫毒潰後不時出一細骨用生桐油調蜜陀僧如膏絹攤貼妙此亦內熱骨乃所化之物也謂之名腐骨

一人灸火至五壯血出一縷急如溺手冷欲絕以酒炒黃芩二錢爲末酒下則止

一人頭皮內時有蛆出以刀破皮用絲瓜葉搗汁搽之

一人淵疽之發於肋下久則一竅有聲如嬰兒啼灸

陽陵泉二七聲卽止

一人患頭風症耳內常鳴頭上耳內有鳥雀啾之
聲此頭腦挾風所爲也用芎歸治愈

一婦產子舌出不能收以硃砂付其舌乃令作產兒
狀以三女扶之壁外漸堆盆盎令墮地聲嚮使婦
聞而驚舌則收安矣

一婦忽生虫一對於地能行長寸餘自後月生一對
醫以苦參加打虫藥爲丸服之又生一對埋於土
中過數日發而視之暴大如拳名子母虫從此絕
根

一婦眼中忽有血如射而出或緣鼻流下但出血多時卽經不行乃陰虛相火之病遂用歸身尾生地酒芍加柴胡黃栢知母條芩側栢葉木通桃仁紅花水煎食前服

一婦產後食茶粥每日二十餘碗一月後遍身水冷數塊人以手指按其冷處卽冷從指下上應至心如如是者二年諸治不効以八物湯去地黃加橘紅入姜汁竹瀝一酒鍾十服乃可

一婦三陰交無故血出如射將絕以指按其竅縛以布條昏倒不知人事以參一兩煎湯灌愈

一婦產戶下一物如帕有尖約重一斤却喜血不盡
虛急與黃芪白朮升麻各五分參歸各一錢水煎
服

一人被鬼擊身有青痕作痛以金銀花水煎服

一人每至秋冬遍身發紅點作痒此寒氣收斂腠理
陽氣不得發越拂鬱內作也宜以人參敗毒散解
表再以補中益氣湯實表而愈

一人因剝死牛脅悶令看遍身俱紫泡急刺泡處良
久遂甦更以敗毒藥而愈

多服紫金錠

蛇入人竅中急以手捻定以刀刮破尾用椒或辛辣

物置尾以線繫之卽自出不可拔

一小兒七歲聞雷則昏倒不知人事以人參歸身麥冬少入五味盡一斤後聞雷自若

一人但飲食若別有一咽喉斜過隔下經達左脇而作痞悶以手按之則澀，有聲以控涎丹十粒服之少時痞處熱作一聲轉瀉下痰飲二升垂飲食正下而達胃矣

一人胸背皆駝頸漸短問其故因食早驚所致患上用紫蘇煎湯洗淨次用龜尿搽之

取尿法以龜置器中用鏡照之

則尿出矣

一人心口痛葱白三根搗爛面粉三錢和勻熱酒調下立愈

一人頸項腫與頭相統接之堅硬漏蘆湯一劑服下發頃刻消散

一人田間收稻忽然遍身痒入骨髓用食鹽九錢泡湯三碗每進一碗探而吐之三進三探則不痒矣

一少年玉莖挺長腫而癢皮塌常潤磨股難行兩脇氣冲上手足俥弱先以小柴胡湯加黃連大劑行其濕熱少加黃柏降其逆上之氣腫漸散莖中硬塊未消以青皮爲君佐以散風之藥服之外以絲

瓜汁調五倍子末付愈

一病人似喘不喘似嘔不嘔似噦不噦徹心中憤，然無柰用生姜半夏湯主之半夏片半斤生姜汁一升水三升先煎半夏至二升後入薑汁共煎一升半待溫分四服日三夜一病止停服

一人暑月行百里渴而飲山水至晚以單蓆陰地上少睡頃間寒熱吐瀉身如刀刮而痛醫皆曰中暑進黃連香需飲不應予診其脉細緊而伏此中寒也衆皆咲曰六月中寒有是事乎予以附子理中湯服而効

冬天傷暑 一婦冬月酒，惡寒翕，發熱惡食乾

嘔大便欲去不去諸醫以虛弱用滌痰二陳湯不
効予治脉虛無力類乎傷暑衆不然深究之婦曰
昨因天寒取綿套蓋之得此一症誠哉傷暑也但
綿套盛暑晒之熱收箱中必有暑氣今體虛得之
易入故如是婦曰然遂用黃連香需飲進二服卽
安噫冬天傷暑夏月中寒病亦少見間切之功不
可不知也

一盤腸產者臨產腸先出而後產子既產之後其腸
不收以醋半盞冷水七分調勻噴婦面三噴則腸

收盡此良法也

一產後腹痛煩滿不得卧用枳實畧炒黑芍藥等分爲末麥冬下一錢

一婦人腹中諸病一用當歸一兩半芍藥八兩澤瀉川芎各四兩白朮茯苓各四兩爲末酒下一錢

一產婦因子死經斷不行者半年一日小腹忽痛陰戶內有物如石硬塞之而痛不禁衆醫不識青林曰此石瘕病也用四物加桃仁大黃三稜枳榔胡索附子澤瀉血竭二劑而愈

一小兒遍身痒甚以生姜搗爛布包擦之而止

一人在山亭裸體而卧其陽被飛絲纏繞腫痛欲斷
以威靈仙煎湯浸洗

胃寒腸热水谷不化腹脹痞滿洩痢不止用川烏頭
去尖半兩山梔仁乾生姜各二錢半姜汁糊丸酒
送下日進三服

胃熱腸寒善食而飢便溺小腹脹痛大便澁青皮三
稜蓬朮黃連各一兩巴豆霜二錢半麵糊丸如棗
豆大或茶或酒隨下三五丸

疝氣牽引小腹痛

羨菝炒

附子炮

梔子炒每三錢水煎服

口瘡不已名赴筵散

黃柏

青黛

蜜陀僧

各等分爲末乾摻

失音不言

訶子

四枚生熟

桔梗

一兩生炙

甘草

二寸生炙 俱各半

每二錢童便水各一盞煎五七沸甚者不過三服

神應散春夏脚指又濕爛

枯凡

六分

飛丹

五分

爲末摻之

一少年新婚欲交媾女子阻之乃逆其意遂陰痿不

舉五七日以秃筆燒灰酒下二錢卽起

小便頻數一日夜百餘次此脬氣不足服縮泉丸

益智仁烏藥大如臂者等分爲末酒煮山藥打糊
爲丸如桐子大卧時用鹽酒送下七十九

一女子十六歲四腕軟皮處生惡物加黃豆大半在
肉內紅紫色痛甚諸藥不効一方士將水銀四兩
白紙二張揉熟蘸水銀三日自落而愈

牙疼 新掘李樹根取白皮搗細濃浸時，含之絕
根

臨卧渾身虱出約至五升隨至血肉俱壞每宿漸多
痛痒不可言狀雖喫水卧床晝夜號哭舌尖出血
不止身齒俱黑唇動鼻開但飲鹽醋湯數次安

小兒刮腸痢眼閉口合名曰噤口痢用精猪肉一兩薄切片慢火炙以膩粉末五分旋鋪肉上炙令成脯如不喫放鼻頭聞香自然要喫

又方臘肉脯煨熟食之妙

一婦開甑爲熱氣所冲面目腫而經閉

用炊飯布經久者燒灰隨付隨消

一人患癆二年一日無肉味腹痛不可忍恐傳染置空室待自終三日無肉或惠鷄子病人自煎食將熟鼻中碍忽打噴嚏有紅線二尺自鼻出銚遂以碗蓋之煎熟視乃癆虫也

一人自幼好酒片時無酒叫呼不絕全不進食日漸羸弱或執其手縛柱上將酒與看而不與飲卽吐一物如猪肝入酒內其人遂安

鼓脹旦食不能暮食痞滿名鷄屎醴飲

大黃桃仁鷄屎要乾者等分每一錢水一鍾姜三片煎湯調下愈后臨卧服

又方用猪血不着鹽水待白凝硬瀝去水晒乾爲末酒下洩之妙

一小兒卒死而吐痢不知是何病

狗屎一丸絞汁灌之無濕者水煎乾屎取汁亦可

狐惑註下唇有瘡曰狐乃虫食其肛黃芩煎湯洗之
上唇有瘡曰惑乃虫食其臟因腹內熱腸胃虛虫
出求食用瀉心湯大黃二兩芩連一兩水煎服

小兒胎受熱毒生下兩目不開

燈心黃連秦皮木賊各五錢水一盞煎澄清頻洗
之

一室女近窻做女工忽患頭疼甚諸藥不効一醫徐
察之牕外畜鷺知爲鷺虱飛入耳內咬而痛也以
稻桿煎濃汁灌之虱死而出遂不痛

一居民逃難石室中以烟攻之偶得葡萄食之而甦

又法以口呵地卽不死

禿積 鯽魚一枚四兩重去腸以亂髮填滿濕紙裹

燒存性入雄黃生麻油調付 先用藥湯洗卽辣

小兒初生身破裂者必死陰不起者必死股間無肉

死無糞門者必死一云必假物以開之近有女之陰亦不開

者夫以小刀開之

收蝎法 每年除夜左手拽起前裾右手執三尺長

棍向門榻上敲三下念呪云蝎云蝎螫、不向

梁上走却來這里螫一敲、八節呪畢吸氣一口

吹入於杖頭復吸其氣吹於執杖手心如此三次

卽已遇有蝎蜚以手摩之卽不痛可用一年次年
除夜必如法爲之否不驗也

一老婦喉心中咬痛得食則止心思香燥之物偶夏
天貓繞脚而叫此婦素性愛貓取鹿脯嚼之喉中
忽有一物出急取之墮地頭足皆有五寸長許乃
飢虫也

一人背發一塊心神兀四肢倦怠飲食不進一醫
曰此虱瘤也剖開果虱合許甘草湯洗淨拭乾將
多年油木梳煨灰爲末菜油調搽

眼赤鼻張大喘渾身出斑毛髮如銅錢乃目中熱毒

氣結於下焦用白凡滑石各一兩爲末作一服水煎

一人有虫如蟹走於皮下作聲如小兒啼爲筋肉之化雷丸雄黃各一兩爲末摻在猪肉片上炙熟喫盡自安

一人髮上水珠如汗滴不止用甘草一斤煎湯三四碗作三四服其水卽止此証自幼間服藥過多故也

一人鼻中毛出晝夜可長一二尺漸粗圓如繩痛不可忍雖痛一摘一莖卽后復生此因食猪羊血

過多用乳香硃砂各一兩爲末飯丸空心臨卧水
下十九

一人自覺自形作兩人並卧不別真假不語問亦無
對乃自離魂用辰砂人參茯神濃煎湯飲之真者
氣爽假者化也

一婦六十餘歲得飢疾每作時如虫吃心得食方解
如是三四年來夏熱納涼有一貓甚愛適貓遠叫
取鹿脯自嚼啖貓至於再嚼覺一物上觸喉間引
手探得之如母指大墜地以火照之其物頭尖而
匾類塌沙魚形身如蝦破腹有八子其病卽愈

一人穿斷舌心出血不止以米醋用鷄翎刷所斷處其血卽止仍用真蒲黃杏仁去皮尖礪砂少許爲末煉蜜調搽或噙化而安

人身上及頭面肉上浮腫如蛇狀用雨滴堦磚上苔痕水化開塗蛇頭立消

一人被蜘蛛咬腹大如孕婦有遊僧見之教飲羊乳一日而平

妖魅變化爲貓爲兔爲鬼病人爲其所惑不肯言鬼巍然如痴用鹿角屑搗末用水調服頃間卽實言爲鬼所憑也

一人食芹菜忽患腹脹而痛醫曰蛟龍子多生芹上用錫糖粳米杏仁乳餅煮粥食之三升日三服吐下蛟龍子有兩頭者

明太宗皇帝好食生芹日久腹痛召太醫盛御醫治之盛詢知好食芹菜乃製用中泥上爲丸服之二次明早利下虫無數皆小螞蝗小沙搭子耳其痛卽愈

隆慶二年十一月友人吳爰樓喉間忽生一塊形色如田螺頗堅硬一月餘爛開寸許氣甚腥臭至十二月邀麟診視之莫測其爲何症不敢輕答坐良

久細思之問其家眷平日曾患楊梅瘡否對曰不
曾患此瘡止一日忽見孩兒頭面皆生楊梅瘡問
曰此兒誰家子也對曰病人之長兒也遂原其由
爰樓得子甚晚頗鍾爰晚以頭枕父臂子口對父
之口其毒氣薰蒸於肺故喉之下肺之上爛一大
孔急以鮮蚌大者以刀抉開取其水以絹濾淨一
日五六次灌之吐出臭涎盈斗將

冰片

孩兒茶

鷄內金

朋砂

大紅絨灰

牡蠣

青錠

人中白

杏仁灰

等分末之極細吹

入患處一日七八次外服人參

桔梗

甘草

玄參

黃芪

天花粉

鼠粘子

生地

芍藥

當歸

金銀花

小柴胡

冷飯糰

麥冬

右剉水煎服

一少婦產兒後忽玉戶中垂尺許如白腸之狀少不知事私以手摘斷至晚腹痛號泣而絕此腸即生腸又曰胞戶手宮切不可損，則傷生蓋氣血衰敗未能收入宜多進活血之劑三二日間自然收入不足憂恐也予治四三人皆以此藥之力

一友人春月將熟羊肉熟猪肉露放月臺之上明日

治以燕客凡二十餘人皆吐嘔不安唯二三人不吐嘔蓋食肉少而酒多也一老醫云此蓋夜露之毒也如秋夜之氣清露亦不毒今人以酒麪漬之良妙以甘草煎湯飲之

隆慶三年己巳正月二十七日鹽商胡小溪家人媳婦年方二十三歲懷服九月矣一日食魚，骨梗喉間至半日嘔吐繼之以血碗許魚骨尚在喉中忽吐出一條約有二尺餘形如小腸濶五分內有所食魚菜粉皮飯未化家人爲推入口中尚餘五寸其夫復納入之遂昏俛自此嘔吐不止湯亦不

能進延予治之遂將生炭火一盆放病榻前以好醋一碗沃之使醋氣盈滿其室清其神也進以牛黃清心丸腹覺有微疼再用人參養胃湯倍加

人參

紅花

牡丹皮

當歸

川芎

白芍

生地

阿膠

煎服五六貼

嗟夫此婦所吐之腸有類於腸耳若腸出而斷頃刻立斃豈有得生之理此吐出者肺之系也因嘔吐太甚被氣冲逆而斷其連肺之一頭隨吐而出今既納入復吐不已氣不平耳今用醋湯以清其

神牛黃丸以清其心煎劑以補益其血氣故旬日之間安妥如常此亦原其病而藥之耳豈肯效好利之人乘其危而邀名索物者同日而語哉醫者意也全在活法書此以爲世勸

耳中血出不止 龍骨末付之

救凍死以熱灰熨心冷卽易之目閉氣出以粥湯溫補

凡中惡中忤忽然眼見鬼物惡氣驀然倒地四肢厥冷兩手握拳口鼻出清血此與尸厥同勿移動卽令人圍繞燒火及射香安息蘇木桃頭之類待省

方可移歸

舌上血出如簪孔

赤小豆一升杵碎水三碗和攪

取汁每服一盞不拘時服

槐花末搽上亦妙名曰舌衄

婦人生產傷動尿胞破終日不能小便但漏濕耳

黃絲絹

一尺生者剪碎

白牡丹根皮千葉者

為末用無不効

白芨末

一少

水二鍾煮絹爛如泥空心服時勿

作聲作聲不効慎之

中惡客忤睡死射香一錢研和醋灌一合入腹即甦

一人患瘰口出微膿如蟹吐沫此肉潰透膜也瘡瘍

透膜十無一生須大補亦不活也

琥珀萬安丸

治男婦酒食虫

檳榔

四兩

白牽牛末

黑牽牛末

各二兩

雷丸

大黃

知母

貫衆

各一兩

沉香

木香

各半兩

蕪荑

一兩

右為末每用四錢五更先嚼生姜一塊次用隔宿

糖湯露一夕次早調藥服取下黃赤黑白虫積病

根直至口哺喫白粥補之先服生姜免至惡心此

方亦可水丸服四錢重

雄射散

治五種虫毒

雄黃

末

麝香

另研各一字

用生羊肺一指大以刀切開內藥在內肺裏吞下

國老飲 治蠱症

白凡 末 甘草 各等分 右為細末每服二錢食遠水

調下或吐黑涎或瀉皆効若平生預服防蠱者宜

以甘草熟炙煮服即內消不令吐神驗

保靈丹 治諸蠱毒一切藥毒神効

硃砂 另研一月 大山豆根 五 雄黃

黃丹

射香 黃藥子 續隨子 生

巴豆 不去油

班猫 去翅足 糯米 半生 赤蜈蚣 二條一

右各修製入乳鉢研和於端午重陽臘日修合勿

令雞犬婦人見用糯米糊丸如龍眼核大陰乾瓷
盒收每服一九茶清吞下不得嚼破須臾病人自
覺心頭如洩斷度條聲將次毒物下或自口出或
自大便出嫩則是血老則成蟹或蟻蝮等狀藥丸
凝血並下如口噤揭開下藥或蛇蝎諸毒以醋磨
傅患處忌酒肉毒物一月

薺萇湯

鮮諸藥毒

薺萇能亂人參
卽此薺萇也

薺萇

黑豆

甘草 各等分

右咬咀每服七錢水煎服

奇方 治一切毒

白扁豆晒乾爲末每服二三錢新汲水調頓服得
利則安

一方 解砒霜毒

白扁豆

青黛

甘草

各等分

巴豆

搗去殼用半斤

右爲細末每服一錢以砂糖一大塊水一鍾化開
調下飲之毒隨利后宜進五苓散益元散

又方 解砒霜毒以早禾稈燒灰新汲水淋汁絹袋
瀝過冷服一碗毒從下利

一方 藍飲子 解砒毒及巴豆毒用藍根砂糖三
味相和研末服之或入薄荷汁尤妙

解巴豆毒 寒水石磨水服黃連煮汁服菖蒲生者

搗汁服

中巴豆毒 其証口渴臉赤五心煩熱利不止用芭

蕉根葉搗

解草烏毒 詩曰

草烏之毒最粗凶 甘草濃煎服有功

米醋砂糖皆可用 白凡水点亦能攻

解天雄附子烏頭毒 防風棗肉濃煎服

解一切菌毒 掘一地窟取黃土以新汲水於內攪

之澄清少取水飲之 各地藥

解河豚毒 一時困怠急以桐油多灌之使毒物盡
吐出為愈或以白凡為末調湯服中河豚毒能殺
人服此藥毒自消

解鱈鱉蝦蟆毒 生豆豉一大合新汲水一碗煮豆
豉濃汁頓服効

解食牛馬肉中毒 大甘草四兩以無灰酒研服盡
病人量飲之須臾吐大瀉如渴不可飲水飲之必
死

肘后方 服雄黃中毒 防己汁解之

金櫃玉函 治誤飲饌中毒者未審中何毒卒急無

藥可解只煎甘草薺芫湯服之入口便活

聖惠方 治中鳩毒氣欲絕者用葛根三合水三盞

調飲之如口噤者以物搗開灌之 鳩食半夏苗故有毒

肘後方 治食魚中毒濃煮橘皮飲汁

梅師方 治食馬肝有毒殺人者以雄鼠屎三七枚

和水研飲服之 雄者兩頭尖

梅師方 蜀椒閉口者有毒誤食之便氣欲絕或下

白沫身體冷急用井水三二碗飲之立解

或煎濃豉汁服之

聖惠方 治食蟹中毒以生藕汁或者煮乾蒜汁或冬

瓜汁或紫蘇湯並佳

葛氏方 食自死六畜肉中毒黃蘗末服方寸匕未
解再服之

外臺秘要 服藥過劑及中毒煩悶欲死燒犀角末
水服方寸匕

肘后方 服藥過劑及中毒煩悶欲死刮東壁土以
水三升調服之

輟耕錄 治食河豚者一日內不可服湯藥恐內有
荊芥與此物大相反亦惡烏頭附子之屬世傳中
此毒者乃亟飲糞清乃解否則必死又聞不必用

此物以龍腦浸水服之能解或橄欖皆可解後得
一方用槐花炒過與乾胭脂各等分同搗爲末用
菜豆粉水調灌大妙如無新橄欖以其核多磨汁
服之

一方 治中諸毒卒惡熱黃悶欲死者以人屎者最
効須與水和服其乾者燒烟絕水漬飲汁名破棺
湯

破棺散

治癡寐卒死及爲墻壁竹木所壓水溺金

瘡卒致悶絕產婦惡血冲心諸暴絕証

半夏湯炮七次去滑爲末吹入鼻中

或以皂角末吹入亦可

凡魔者不可用燈照亦不得近前急喚但痛咬其足

跟並大拇指甲邊或以皂角末吹鼻

硃砂散

治中惡中忤鬼氣其証或暮夜登廁或出

郊野或遊空室冷屋或人所不至之地忽然眼見

鬼物口鼻吸着惡氣驚

之四肢厥冷兩手握

拳鼻口出清血此証與尸厥同見此切勿移動卽

令親人圍繞燒欠或燒射香安息香蘇木桂木之

類直候記省方可移歸

犀角

末研

生射香

硃砂各

右爲末每服二錢新汲水調灌之

又方 雄黃爲細末每服一錢桃葉煎湯調灌

又方 治人恍惚見鬼發狂平胃散加辰砂末棗湯

又方 治客忤中惡多於道路在外得之令人心

疴痛腹滿氣冲心胸不急治殺人好京墨爲末每

服二錢沸湯調服或瓦器盛湯用衣襯貼於肚上

熨之湯冷則換

灸法 救魔死及一切卒死及諸暴絕証用藥或不

効急於人中穴及兩脚兩大拇指攤甲一韭葉許

各灸三壯五壯卽活

又法 灸臍中百壯

灸大胞匾腎以艾壯放在大拇指甲并半在肉灸七

壯七日避風勿洗足戒房勞

小腸疝氣以陽物扯長對中毛際再運左右兩邊以

物住處墨點記之小艾壯灸七卽愈

又烏絨樹莢肉子微炒爲末早辰空心好酒調下三

錢

小兒雜症

小兒初生休與乳取甘草一指節長火上炙脆以水

三合煮一合綿蘸兒口中可蜆殼上兒當快吐腦

中惡汁后待兒飢渴更與兩服不吐盡一合止得吐惡汁后兒智慧無病

新生三日開腸胃研粳米濃作飲如乳與兒服

兒初生時以猪胆汁傾湯內浴兒永無瘡疥之疾內月

之用

生下不飲乳及小便不通乳汁二合葱白一寸分四

破銀石器內煎一合灌

生下舌下有膜如榴子連於舌根令兒語言不發可

摘斷微有血如血不止燒髮灰摻之又用白凡灰

釜底墨酒調用

此瘡名七葉瘡或以細針撥之

驚哭有淚是肚腹痛用蘇合香丸酒服

小兒睡中遺尿不自覺以桂末雄鷄肝等分爲末日
進三服

不小便鹽安臍中熨之 尿血甘草煎服之

凍瘡取金毛狗脊上毛貼之

頭面痘痂剝去膿血出以真麻油潤之免成癍痕酥

亦良

痘斑瘡心燥臥眼不安升麻煎汁綿蘸拭乾

諸骨入肉不出者煮白梅肉爛研象牙末厚付骨刺

自出

稻芒入喉中取鷺涎灌之

釣魚針勾入喉中難出先用木針撐口次以糯米珠

如算盤珠樣穿線中扯直即出

尿床以羊肚盛水令滿繫兩頭煮熟開取水頓服

小兒月內糞門上忽有瘡孔此乃秤勾瘡也深難療

者急用白褐燒灰搽之

又方

紅絨灰二分 珍珠五分 輕粉五分 孩兒茶二分

血竭一分 乳香一分

右各為末乾搽